

Yohane

ጋግህሎ Gyankpapu

Nkpa Asón

¹ Anidé ጋግህሎ áñfi wanlín sísí mli tsú Asón á múú itehá nkpa, ibu unv asa ጋyí lelun amv iwí. Aní onutó anilónu mu asón, pú ansibi wun mu, ki mu, pú ibi da mu. ² Bulu léle Nkpa ጋhapó áñfi ጋwan súná aní, anilówwun mu. Anidé adánsie gyí, bláa mli aniaa, mutéhá nkpa áñi itamatá ní. Mva ጋsí ámu nyጋ bu unv yáí, asa alalé mu ጋwan súná aní. ³ Asón áñi anilónu pú tóá anilówwun anidé mli bláa, méní ania mlunyጋ abóbwe kole. Tsúfé ania ጋsí ámu pú mu Bi Yesu Kristonyጋ gyí kole. ⁴ Anidé mú wanlín sísí mli, méní ania mlunyጋ ansigyí bófon.

Bulu Lówankí

⁵ Asón áñi anilónu tsú mu Bi ámu wá, anidé mli bláa gyí, Bulu lówankí. Oklún kókukv má mutጋ. ⁶ Mú sv ní anidéblí aniaa, ania mጋnyጋ anidé mbagyí, táme anitráa aniná oklúntጋ á, anidé afunu wa. Animédébwε dínká ጋጋkwali asón ámu sv. ⁷ Táme ní aniná wanki amutጋ, fé alí á múú mu onutó ጋna ámu a, ikolebwε bu ania aní aba nsiné. Mú sv mu Bi Yesu Kristo obugya amv tetin aní iwí tsú aní lakpantጋ.

⁸ Ní ablí aniaa, lakpan ma aní iwí á, anidé iwí mlé. Animá ጋጋkwali. ⁹ Táme ní alé aní lakpan bláa Bulu á, obésikié aní, tin aní iwí tsú lalahε féétó, tsúfé yilé ጋbwεpó pú ጋጋkwaliጋv ogyi. ¹⁰ Ní ablí aniaa, animégyí lakpan abwεpó á, anilawá mu afunutጋ. Idesuná áñi animóhጋ mu asón ámu.

2

Ani Bwale Ogyípó

¹ Mí abí adwepó, nde asón ánfí wanlín sísí mlí, méní mliméetrá bwe lakpan. Táme ní mlítò òkú òbwé lakpan á, anibú òhá ání otokókóli aní Sí ámú há aní. Múgyí yilé òbwepó Yesu Kristo. ² Tsúfè mólówú, pú mú obugya lé aní nwunsu mbusuo. Megyí aní nkúle pé lakpan, táme òyítò ahá fée klé.

³ Ní anidé Bulu mblasu gyí a, mú òbéha abébi ání anilabí mú ní. ⁴ Ní òkú òblí òbéé, “Nyin Bulu,” táme òtamagyi mú mblasu á, ofunupu ogyi. Òma òòkwali. ⁵⁻⁶ Táme ní òkú tegyi Bulu mblasu á, idesuná ání mú Buludwe lófún. Tóá íbéha abébi ání kùlèbwe bú ania Bulu nsiné gyí, anitsie nkpa fé Yesu Kristo.

Mbla Pəpwe Amv

⁷ Apíó adwepó, megyí mbla pəpwe kùkú ndewanlín sísí mlí. Mbla dada amóó mlíyin tsú bré amóó mlílòtsò hógyi amú ní. Mbla dada anfi igyi asón ání mlílanú dodo. ⁸ Táme mbla pəpwe igyi. Tsúfè Kristo tsiátò pú mlí klé lalé mó súná ání mbla pəpwe igyi. Oklún amú idetsóún. Wankí amú onutó idewankí dodo.

⁹ Mó sù òhá ání òbéé, òna wankí amutò, táme òde mú ba Okristoyin lu á, idesuná ání òtráa òbú oklúntò. ¹⁰ Òhá ání òtòdwé mú ba Okristoyin ná wankí amutò. Mó sù tòtòtò mééha mú òbwe lakpan. ¹¹ Táme òhá ání otolú mú ba Okristoyin mó tsie oklúntò. Òna oklúntò, sù omeyín òtínéá òyó, tsúfè oklún amú òlatin mú ansí.

¹² Mí abí adwepó, nde òwóló ánfí wanlín sísí mlí, tsúfè Yesu Kristo sù Bulu lasí mlí lakpan kíé

mli. ¹³ Mí así, nde ɔwɔlɔ́ ánfí wanlín sísí mli, tsúfɛ́ mlilabí ɔhá ámúú ɔbu inu tsú ɔyí nfiasí ámu. Nyasubi, nde ɔwɔlɔ́ ánfí wanlín sísí mli, tsúfɛ́ mlilagyi Ɔbunsámsú.

¹⁴ Mí abí adwepó, nde ɔwɔlɔ́ ánfí wanlín sísí mli, tsúfɛ́ mlilabí Ɔsí ámu. Mí así, nde ɔwɔlɔ́ ánfí wanlín sísí mli, tsúfɛ́ mlilabí ɔhá ámúú ɔbu inu asa Bulu lóbwe ɔyí ámu. Nyasubi, nde ɔwɔlɔ́ ánfí wanlín sísí mli, tsúfɛ́ mli hógyi ɔnó bu ɔnlɛn, Bulu asón bu mlitɔ. Mlilagyi Ɔbunsámsú.

¹⁵ Mú su nde mli fɛ́é bláa mbéɛ, mlumápu mli klɔn dínká ɔyí pú mótó atósó. Ní ɔku dé ɔyí ánfí dwe á, ɔméetalí trá dwe aní Sí Bulu ɛ. ¹⁶ Ɔyító ató ámu ɪku gyí, atɔ laláheá itedínká ɔha ɔwólí; atóá ɔha towun, itedínká mu ɔwólí pú ntobíá ɔha tɔpútsú iwɪ. Iní ánfí odu kukukukú imotsú aní Sí Bulu wá, ɔyí ánfítɔ itsú. ¹⁷ Ɔyí ánfí pú mótó atóá itedínká ɔha ɔwólí fɛ́é detsóun. Táme ɔhá ání ɔtɔbwé tóá Bulu tekle obétsiá nkpa ání itamatá.

Kristo Alupó

¹⁸ Mí abí adwepó, bré tráhe ni. Mlikan ání bebláa mli beɛ, Kristo olupó ámu ɔbéba. Séi ánfí á, Kristo alupó tsɔtsɔtsɔ baba. Iní désuná ání lélé bré tráhe ni. ¹⁹ Kristo alupó ánfí betsiá anitɔ asa bedali. Ní lélé aní klé bugyi á, tekí besi tsiá anitɔ. Amó anitɔdali lósuná ání bumegyí aní apíó Kristotɔ. Mú su bedali anitɔ ní.

²⁰ Táme mli mú á, Kristo lapó mu Ɔhe Wankíhé amu wá mlitɔ. Mú su mli fɛ́é mlilabí ɔnɔkwali amu. ²¹ Megyí beɛ mlíméyín ɔnɔkwali amu, sù nde asón ánfí wanlín sísí mli. Mbóun alíá mliyín ɔnɔkwali amu, pú alí ámúú mliyín wankláán ání

ᾠτίνεά ᾠᾠkwali amv bu a, afunu kukukuku ima inu amv sv.

²² Ma gyí ofunupu kpᾠnkpᾠnti ánfí? Mvgyí ᾠhá ání olekiná ᾠbéε, “Megyí Yesu gyí Kristo, (ᾠhá ámóú Bulu ladá mv ofúli amv).” Idesuná ání alakíná ᾠsí Bulu mva mv Bi Yesu Kristo amv. Mú sv mvgyí Kristo olupú ámv ni. ²³ Tsúfé ᾠhá ání okíná Bulu mv Bi ámv lakíná mv Si Bulu é ní. Táme ᾠhá ání ᾠlᾠᾠ mv Bi ámv lahᾠ mv Si ámv é.

²⁴ Mú sv mliha asón ámóú mliónu tsú bré ámóú mliótsᾠ hógyi amv isin mliᾠ. Tsúfé ní isin mliᾠ á, mómó ikolebwe bétsiá mliá Yesu pú ᾠsí Bulu nsiné.

²⁵ Iní gyí tᾠá Kristo léhiε ᾠbéε méha aní, igyi nkpa ání itamatá ámv ni.

²⁶ Ahá ámóú budekléá bémlé mli ámv sᾠ nde asón ánfí wanlín sísi mli. ²⁷ Mli mú á, ᾠᾠe Wankíhé ámóú Kristo lópᾠwá mliᾠ ámv bu mliᾠ. Mú sv imehián ání ᾠhaa ᾠbétrá suná mli ató. Tsúfé ᾠᾠe Wankíhé amv tosúná mli tógyító. Mv atosunáhé é igyi ᾠᾠkwali onutó. Iní sv mliᾠita tᾠá olosuná mliᾠ, amliᾠsia Kristotᾠ.

²⁸ Iní sv mí abí adwepó, mliᾠsia Kristotᾠ. Fᾠwun ní ᾠbá á, péli méεkitá aní, abétalí fia mv. ²⁹ Ní mliyin ání yilé ᾠwepó Yesu gyí á, mómó mliᾠi ání yilé ᾠwepó Bulu mv bi okugyíᾠku gyí.

3

Bulu Abí

¹ Mliᾠi alíá aní Sí Bulu tēhié dwé aní sᾠ butetí aní mv abí. Lélé á, mv abí anigyí. Táme tᾠá svá ᾠyi ánfíto ahá bumeyín aní gyí, bumeyín aní Sí Bulu. ² Mí apíó adwepó, séi á, Bulu ahá anigyí. Alíá abébémlí wole ᾠᾠkónyá lé súná aní. Táme aniyin ání Kristo ᾠbá á, abélian mv, tsúfé abᾠwun alíá ogyi. ³ ᾠhagyíᾠha

ání ɔ̀dɪn ansí ání mélián mu tehá mu ɪwɪ tetɪn, fɛ alíá mu ɪwɪ letɪn.

⁴ Ɖhagyíɔ̀ha ání ɔ̀tɔ̀bwé lakpan á, ɔ̀dekusú líí Bulu mblasu. Tsúfɛ lakpan gyí Bulu mblasumágyi.

⁵ Mliyín ání Kristo léba ɔ̀yító beɛ anɪ tsú anɪ lakpanɔ̀, táme mu mó ɔ̀mɔ̀bwɛ lakpan kɔ̀kɔ̀. ⁶ Ɔ̀ni su ɔ̀há ání muá Kristo buɛ mbagyí tamatráa bwe lakpan. Mó su ɔ̀hagyíɔ̀ha ání ɔ̀tráa ɔ̀de lakpan bwe mókówun Kristo, ɔ̀mɔ̀kúbí mu é.

⁷ Mí abí adwɛpó, mlímáha ɔ̀haa ɔ̀mlɛ mlɪ. Ɖhagyíɔ̀ha ání ɔ̀tɔ̀bwé yilé á, mu asón da ɔ̀kpa Bulu ansító fɛ Yesu. ⁸ Táme Ɖ̀bɔ̀nsám mu bi, ɔ̀há ání ɔ̀tráa ɔ̀de lakpan bwe gyí. Tsúfɛ Ɖ̀bɔ̀nsám dé lakpan bwe tsú bréá ɔ̀yí lefi asɪ ɔ̀pá. Bulu mu Bi Yesu Kristo léba ɔ̀yító beyintá Ɖ̀bɔ̀nsám gyumagyihe kugyíku.

⁹ Ahá ání babwé Bulu ahá bu tamatráa bwe lakpan, tsúfɛ Bulu tsiátó bu amótó. Mó su bu méɛtalí trá bwe lakpan. ¹⁰ Tóá abópɔ̀bí Bulu abí pú Ɖ̀bɔ̀nsám abí gyí, ɔ̀hagyíɔ̀ha ání ɔ̀tamabwé yilé, ntée dwé mu ba mégyí Bulu mu bi.

Abadwe

¹¹ Asón ání mlílonu tsú bréá mlílémlí Akristofɔ̀ gyí, adwéɛ aba. ¹² Mlímábwɛ mlɪ ɪwɪ fɛ Kain. Ɖ̀bɔ̀wɛ Ɖ̀bɔ̀nsám mu bi, mó mu gyama. Ntɔ̀ léha sù ɔ̀lɔ̀mɔ̀ mu? Ɖ̀bɔ̀wɛ itɔ̀ laláhe, mu gyama mó lóbwɛ itɔ̀ wankláán su ɔ̀lɔ̀mɔ̀ mu.

¹³ Mí apíó Akristofɔ̀, imáwa mlɪ wánwan ní ɔ̀yí ánfítɔ̀ ahá bu tolú mlɪ. ¹⁴ Anɪ mó aniyín ání anɪladáli lowu asɪ yó nkpa ání itamatátó, tsúfɛ anɪdé anɪ aba dwɛ. Ɖ̀há ání ɔ̀tamadwé mu aba lasin lowutɔ̀. ¹⁵ Ɖ̀há ání otolú mu ba gyí ahá ɔ̀mɔ̀pó. Mliyín ání ahá ɔ̀mɔ̀pó ɔ̀kɔ̀kɔ̀ má nkpa ání itamatá. ¹⁶ Alɪ á múú Kristo lótsulá wú há anɪ ámu ɪlasúná anɪ alíá ɔ̀dwɛ

gyi. Mú sɔ ilehián ání anɪ é abówu há anɪ aba alɪ kén. ¹⁷ Ní ɔku bɔ ató, alawun ání ku de mu ba hián, táme omowun mu nwe há mu a, mómó ɔméetalí blí ɔbéε, mutɔdwé Bulu. ¹⁸ Mí abí adwepó, ní igyi alɪ á, mlumápu ɔnókpán dwé aba. Mboún mliha apu anɪ bwehé pó ɔnɔkwali dwe aba.

Iklɔnwa Bulu Ansító

¹⁹ Ní anɪɔdwé aba alɪ á, mú abébi ání anɪbuo ɔnɔkwali amu ni. Mú sɔ ní anilí Bulu ansító á, tɔtɔ mééhan anɪ. ²⁰ Ní anɪ klɔn ihá anɪ pón kóráá á, Bulu yin asón dɔn anɪ klɔn, oyin anɪ bwehé kugyíku. ²¹ Apíó adwepó, ní anɪ klɔn méha anɪ pón bréá anilí mu ansító á, ifú méekítá anɪ. ²² Bulu ɔbéha anɪ tóá anidé mu kolí, tsúfé anidé mu mblasɔ gyí, anɪ tsiátó é légyi mu ansí. ²³ Mbla ání Bulu lówa há anɪ gyí, ahóo mu Bi Yesu Kristo gyi, adwe aba fé alhá Yesu lébláa anɪ. ²⁴ Ɔhá ání ɔde Bulu mblasɔ gyí a, muɔa Bulu babwé kole. Bulu bɔ mu klɔntɔ. Tóá itosúná anɪ ání ɔbu anɪ klɔntɔ gyí Ɔhe Wankíhé amú ɔlɔpáhá anɪ ámu.

4

Ɔhe Wankíhé Pó Ɔhe Laldhe

¹ Apíó adwepó, mlumáhɔ ahá féé ání beε, buɔbu Ɔhe Wankíhé amu asónsú gyi. Mboún mliɔɔ ɔhé ámú ɔ buɔepusúná ató ámu ki. Tsúfé Bulu ɔnósú atáipú afunupu tsɔtsɔtsɔ babólá ɔyí ánfítɔ. ² Inɪ apóbi ání ɔhé ámu itsú Bulu wá ní. Ní ɔku dé ató suná, ɔleblí ɔbéε, Yesu Kristo léln fé nyankpɔsa a, mómó mu atosunáhé amu itsú Bulu wá. ³ Táme ní ɔku léblí ɔbéε, Yesu méln fé nyankpɔsa a, mómó Ɔhe Wankíhé amu uma mutɔ. Kristo olupó ɔhé ámú mlólónuá beε, íbéba amu ni. Ilaba ɔyító dodo.

⁴ Mí abí adwepó, Bulu ahá mligyí. Mligyi Bulu onósú atóipú afunupu amusu. Tsúfé Ɔhé ámóú ɪbu mlɪtə ámu bu onlin dun móámóú ɪde ɔyí ánfɪtə ahásu gyí amu. ⁵ Yesu alupó ámu bomeyín Bulu. Ɔni su amó atosunáhé fée igyi ahá ání bomeyín Bulu atosunáhé. Mó su ahá ání bomeyín Bulu tóhə amó asónsú gyi. ⁶ Anɪ mú á, Bulu ahá anɪgyí. Mó su ɔhagyíɔha ání oyin Bulu tóhə anɪ asónsú gyi. Táme ɔhá ání omeyín Bulu tamahə anɪ asón. Ɔni anɪtəpóbi ɔnəkwali Ɔhé ámu pú afunu klé ni.

Bulu Gyí Ɔdwe

⁷ Mí adwepó, mliha adwe aba, tsúfé ɔdwe itsú Bulu wá. Ɔhagyíɔha ání ɔtədwé ahá a, Bulu mu bi ógyi, oyin Bulu. ⁸ Ɔhagyíɔha ání ɔtamadwé ahá méyín Bulu, tsúfé Bulu gyí ɔdwe.* ⁹ Alíá Bulu léle mu ɔdwe súná anɪ gyí, ɔləpu mu Bi ɔkəkónó ɔkole amu sísí ɔyító, ménɪ abótsun musu nyá nkpa ání itamatá. ¹⁰ Megyí alíá anɪtədwé Bulu gyí Buludwe ɔnəkwalisu. Mboun alíá ɔlədwe anɪ, pú mu Bi sísí anɪ, ání ɔbɔpu mu obugya le anɪ ɪwɪ mbusuo gyí ɔdwe.

¹¹ Apíó adwepó, ɪniá Bulu léhie dwé anɪ alɪ su á, ilehián ání anɪ é abódwé aba. ¹² Ɔhaa mókúhíe wun Bulu ki. Ní anɪdé aba dwe á, idesuná ání Bulu bu anɪ klontə. Mó su mu ɔdwe ləfun anɪtə.

¹³ Bulu lapó Ɔhe Wankíhé amu há anɪ. Mó su anɪlabí ání anɪa monyɔ anɪlabwé kole, ɔbu anɪ klontə. ¹⁴ Anɪlawun mú alɪ. Mó su anɪdé adánsɪe gyí anɪaa, anɪ Sí Bulu lówa mu Bi Yesu Kristo ɔbé, ɔbéle anyánkɔpósa fée tsu amó lakpantə. ¹⁵ Ɔhagyíɔha ání olohogyí, ɔleblí ɔbé Yesu gyí Bulu mu Bi ámu a,

* **4:8** Bulu gyí ɔdwe asɪ gyí, ɔdwe itsú Bulu wá.

Bulu bu mɔtɔ, mu é ɔbu Bulutɔ. ¹⁶ Mú su anyin ɔdwéá Bulu bu ha ani, anilóhɔ mósú gyí.

Bulu gyí ɔdwé. Mú su ní ɔku tɔdwé Bulu pú mu aba á, ɔbu Bulutɔ, Bulu é bu mɔtɔ. ¹⁷ Iní désuná ání Bulu ɔdwé lɔfun anitɔ ní. Mú su aníménya péli mu asón ogyíké, tsúfé anilatsiá nkpa ɔyí ánfɔtɔ fé Yesu. ¹⁸ Ǫhá ání Bulu ɔdwé bu mɔtɔ tamanyá ifú. Mú su ní anidé Bulu pú ani aba dwe á, aníménya Bulu ifú. Tsúfé ahá ání buyin ání Bulu ɔbébití amó isu ténýá ifú. Iní su ní ɔku dé Bulu ifú nya á, ilosuná ání Bulu ɔdwé mɔfun mɔtɔ.

¹⁹ Anitɔdwé Bulu pú ani aba, tsúfé Bulu légyankpá dwé ani. ²⁰ Ní ɔku lébli ɔbéé “Ntɔdwé Bulu,” táme otolú mu ba á, ofunupu ogyi. Tsúfé ɔhá ání otolú mu ba ání otowun, méetalí dwé Bulu ání ɔmakówun ki. ²¹ Mbla ání Yesu Kristo lówa há ani gyí, “Ǫhá ání ɔtɔdwé Bulu ɔdwéé mu ba é.”

5

Tsiátó Laláhesugyi

¹ Ǫhagyíɔha ání olohogyi ɔbéé, Yesu gyí Kristo, (ɔhá ání Bulu ladá mu ofúli amu) a, Bulu mu Bi ógyi. Ní fɔtɔdwé ɔkwípó a, fɔdwe mu bi é. ² Mú su ní anidé Bulu dwe, anidé mu mblasu gyí a, mú abópubí ání anidé mu abí dwe ní. ³ Ní anidé Bulu dwe á, abégyi mu mblasu. Mu mbla ámu su gyí é ima ɔnlɔn. ⁴ Tsúfé Bulu mu bi okugyíɔku tetálí gyi tsiátó laláhesu. Aní hógyi anitɔpógýí mósú. ⁵ Ma ɔbétalí gyi tsiátó laláhesu? Ǫhá ání olohogyi ání Yesu gyí Bulu mu Bi ámu nkɔle ɔbétalí gyi mósú.

Yesu Kristo Iwi Adánsiɛgyi

⁶ Yesu Kristo gyí ÷há ání ÷lòtsòn ntsu móa obugyatò ba. Megyí ntsu nkuletò ÷lòtsòn. ÷lòtsòn obugyatò é. ÷ñe Wankíhé amu légyí asón áñfi ɪwɪ adánsiɛ, ání igyi ÷nòkwali. ÷tamawá afunu. ⁷ Ató asa légyi Yesu ɪwɪ adánsiɛ. ⁸ Mógyí, ÷ñe Wankíhé, ntsu pú obugya. Ató asa áñfi fée lèblí toku kule. ⁹ Ní ahá begyi adánsiɛ súná anɪ, anitohogyi a, mómó ilehián ání abóhò Bulu klé ðòn. Tsúfé mu onutó légyi mu Bi ámu ɪwɪ adánsiɛ. ¹⁰ ÷hagyí÷ha ání ÷lòhò Bulu mu Bi ámu gyi lahò Bulu adánsiɛ áñfisu gyi mu klòntò. Alí kén ÷hagyí÷ha ání ÷mòhò Bulu adánsiɛ áñfisu gyi dé mu afunutò wa ní. Tsúfé ÷mòhò adánsiɛ ámuó Bulu légyi tsu mu Bi ɪwɪ ámuɔɔ gyi. ¹¹ Adánsiɛ ámu gyí, Bulu lapú nkpa ání itamatá há anɪ tsòn mu Bi ámuɔɔ. ¹² ÷hagyí÷ha ání ÷bu Bulu mu Bi ámu bu nkpa ání itamatá. Alí kén ÷hagyí÷ha ání ÷ma Bulu mu Bi ámu má nkpa ání itamatá ní.

Asón Tráhe

¹³ Mlilahò Bulu mu Bi ámu gyi. Mó su nde ÷wuló áñfi wanlín sísí mli, ménɪ mlébi ání mliɔ nkpa ání itamatá. ¹⁴ Tóá itehá anitòwá klòn yó Bulu ansító gyí, akólí mu tógyítóá igyi mu apé á, otonú anɪ ÷me. ¹⁵ Ní anɪyin ání otonú anɪ ÷me a, mómó akólí mu tógyító á, anɪyin ání ÷béha anɪ.

¹⁶ Mó su ní ÷ko owun mu ba Okristoyin dé lakpan bwe á, ÷bóò mpái ha mu. Bulu ÷béha mu nkpa. Ahá ání amó lakpan méekpa amó wá lowutò asón ndeblí. Lakpan ku bu ɪwá itekpá ÷há wá lowutò. Megyí ÷há ání ÷bwé lakpan ámu odu mbée mlióò mpái ha. ¹⁷ Lalahè kugyíku igyi lakpan, táme lakpan ku bu ɪwá itamakpá ÷ha wá lowutò.

¹⁸ Aniyin ání òhá ání alabwé Bulu mu bi òkòkò tamatsiá bwé lakpan, tsufé Bulu mu Bi ámu togyo mu iwí. Iní sù Òbunsám tamatáli bwé mu tótò.

¹⁹ Aniyin ání Bulu ahá anigí, táme Òbunsám dé òyító ahá féesú gyí.

²⁰ Aniyin ání Bulu mu Bi ámu laba. Alahá anlanú asón asi, ménì abébi Bulu Ònòkwalipù amu. Ania monyò anilabwé kùle, ania mu Bi Yesu Kristo é anilabwé kùle. Lélé á, mu nkùle pé gyí Bulu Ònòkwalipù pú nkpa ání itamatá ámu ní.

²¹ Mú sù mí abí adwepó, mlíkì mlì iwí wankláán ikpísúmsó.

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: (Nkonya)

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

2014-05-01

PDF generated using Haiola and XeLaTeX on 21 Feb 2024 from source files dated 29 Jan 2022

2c5882f1-9b2d-5f5e-bf4f-7030fc58727b